

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars tertia, hoc est:
Tractatio evangeliorum tam dominicalium, quam
festivalium, ad recte se sub variis tentationum generibus
gerendum, disposita**

Creide, Hartmann

Francofurti ad Moenum, 1682

Exordium

[urn:nbn:de:bsz:31-126133](#)

nec dubium est, quin æque absconas opiniones de Christo protulissent, ac alii homines, doctrinæ Christi rudes. Sic & tu nunquam dextrè respondebis, nisi antè sufficienter in articulis fidei instructus fueris.

Ne proinde pigeat te, conciones sacras sedulò invisiere, devotè auscultare, & domi quoque sacram Scripturam evolvere, & in illa scrutari. Veniet aliquando, crede mihi, tempus, ubi in examen vocaberis, quod fiet aut in mortis agone, vel certè in extremo judicio. Disce igitur in temporibus tūm turpiter stes forte.

III. *Bona fama studie.* Christus interroget discipulos suos: Quem me dicunt, homines esse, Filium hominis? Quo ipso nos instruit, ne rumorem vulgi & publicam famam planè contemnamus, sed perscrutemur, quæ de nobis sit hominum opinio. Bona enim conscientia nobis est opus, propter nos ipsos, bona fama propter proximum, ut Veteres dixerunt. Qui hominum famam susque deque habent, eos gentiles quoque pro homine futili nul-

liusque pretii habuere. Melius est nomen bonum, quam unguenta preciosa, Eccles. 7. v.3. Hinc Sitacides c. 42. v.15.16.

Si verò famæ integritate gaudere vis, vide ut genuinus Christianus, & filius Dei vivi sis: Vive proinde ut Christianum decet, insiste vestigiis Christi, quæ in vita & passione, in doctrina & opere tibi reliquit, exhibe te talem, qualem pium & obsequenter filium Dei decet: hoc modò non tantùm in hoc mundo coram hominibus bonam famam consequeris: sed & nomen tuum post mortem perennabit. Die enim novissimo judex vivorum & mortuorum, in consilio SS. Trinitatis, coram Angelis, Archangelis, omnibusque electis, imò Diabolis quoque & damnatis, sed in horum confusione & ignominiam, nomen tuum amplissimis laudibus ornabit, teque in gaudium Domini tui introducer, ubi nominis tui memoria nunquam obliterabitur, siquidem in libro vite scriptum permanebit in æternum.

Fiat id per Christum, Dominum & Servatorem nostrum, Amen.

IN DIE FESTO VISITATIONIS MARIÆ.

Evangelium Luc. i. v.39. -- 56.

EXORDIUM.

Spiritualis illa Ecclesiæ Sponsa, de Sponso suo ait: Ecce, Dilectus meus venit saliens in montibus, transiliens colles, Cant. 2. v.8.

In quibus verbis Ecclesia Christum compellat, est enim amicus sive Dilectus

eius, aut naturaliter, quia humanam natu-ram, carnem & sanguinem ille adsumsit, quo respectu nos omnes Christi consanguinei, ipse autem cognatus noster factus est, unde etiam Goël noster aliquoties in Scriptura appellatur, Genes. 48. vers. 16.

9999

Esa.

Esa. 59. v. 20. Hiob. 19. v. 25. hoc verò non
men tam arctam consanguinitatem indi-
cat, quā quis obstrictus est proximi san-
guinem & necem vindicare, ut constat ex
Num. 35. v. 19. sicut & hāc ipsa ex causa,
Servator noster redemit nos, de manu in-
fernali latronum, & quia nos saucieaver-
ant, Luc. 10. v. 30. ultus est nosmet, ex-
spolians principatus & potestates, traduxit
confidenter palam, triumphans illos in
seipso, Col. 2. v. 15.

Aut Christus Ecclesiae suæ Dilectus est
spiritualiter, ratione spiritualis communi-
onis, quam per unionem mysticam, quæ per
verbum & Sacra menta fit, nobiscum ha-
bet, quod collineant verba Petri, dicentis:
quod per cognitionem Christi, quæ ex
verbo & Sacramentis oritur, divinæ con-
sortes naturæ efficiamur, 2. Petr. 1. v. 4.
De hoc Dilecto ait Ecclesia: Ecce, venit sa-
liens in montibus, transiliens colles: quo in-
nuitur, quod Ecclesiae sua subvenire festi-
net, eamque ex omnibus tribulationibus
eripiat, ut promisit Psal. 91. v. 14. 15.

Hæc verba quoque non inconcinnè in
hodiernum diem festum applicari possunt,
quo Maria abiit in montana ad cognatam
suam Elisabetham. Maria enim jam tūm
Servatorem mundi, in utero suo obum-
bratione Spiritus sancti conceperat, ut
Gabriel ipsi prædixerat, Luc. 1. v. 35. hunc
super montana ferebat sub corde materno,
eius adventum Johannes saltu fideli gra-
tulatur, conclusus adhuc in utero materno
Elisabethæ, ut prælecta Pericope indicat.
Verè tūm Elisabetha dicere potuit: Ecce,
Dilectus noster venit, saliens in montibus,
transiliens colles.

Nos pro Instituti ratione videbimus

- I. Triplicem Querelam.
- II. Triplicem Medelam.
- III. Triplicem Cauelam.

J.J.

Exegesis.

Quemadmodum Sol, quando ortus
est, non potest abstritus manere, sed
cuilibet se conspiciendum exhibet, radios
suos de se spargit, & tanto splendore reful-
ger, ut totum aliquod hæmispherium illu-
minet, nec est, qui se abscondat à calore
ejus, Psal. 19. v. 7. Eodem modo compa-
ratum est cum Christo, qui est Sol iustitiae,
Malach. 4. v. 2. lux mundi, quæ illuminat
omnem hominem, Joh. 1. v. 9. oriens ex alto,
Luc. 1. v. 78 postquam enim in utero ca-
stissimæ Virginis Mariæ, post præceden-
tem annunciationem Gabrielis per san-
ctissimam suam conceptionem ortus erat,
ecce! velut Sol non amplius abscondi pot-
est, sed altius montana transcendent, ut Eli-
sabeth, & Johannes, in utero materno
adhuc conclusus, super adventu & ortu
ejus exultent, & quasi spiritualiter cale-
scant à divino ejus gratiæ calore: Johanes
etenim nondum natus, saltu hunc ori-
entem gratiæ Solem salutat. Mater quo-
que ejus Elisabetha, per Spiritum sanctum,
tanquam radium Solis iustitiae, Sap. 7.
v. 25. fovebatur, ut repleretur Spiritu
sancto. Idem hic iustitiae Sol Christus,
in B. matre Mariâ peculiarem fidei calo-
rem accedit, ut ex singulari animæ exal-
tatione præclarum suum Magnificat inso-
net, Deumque pro gratiâ & beneficiis suis
laudet & celebret.

Querela respicit

I.PA-